



Arte:

Retrato di papel di Sandra

Durante e ultimo preparacionnan di e exposicion Waldy Simson den Garage Cordia Aruba e artista polifacetico Waldy Simson a haya un idea unico.

Di un trahado di Garage Cordia Aruba e kier traha un retrato, cu, entre otro, no mag di ta clasico y mester ta expresivo. Bandi dje e mester ta un tipo di retrato cu ta atractivo y pagabel

pa tur hende.

Basta lihe Simson por a scoge esun cu e lo a bay traha e retrato di dje. Den sentido artistico e tabata inspira e artista asina cu esey sigur lo a resulta den produccion di un retrato cu lo a impresiona hende. Waldy Simson a dicidi pa traha e retrato dor di corta for di papel blanco, preto y di colo. Cu e pidanan

di papel cu el a corta el a crea un henter nobo y unico cu sin duda a bira e retrato di Sandra.

E retrato di papel di Sandra, cu ta hala atraccion di entre otro hopi di su coleganan, a bira un parti hopi importante di e exposicion Waldy Simson den Garage Cordia Aruba.

Riba e exposicion, cu lo dura te dia 28 di october binidero, tambe tin un par di spiel di Tiffany. Hopi importante ora Simson tabata crea e spielnan tabata

cu nan mester tin formanan cu no ta ordinario y cu mester bay bon hunto cu combinacionnan di colo cu ta conoci.

Meta di e exposicion, riba cua tambe tin pinturanan, prints den colo den leishi y dibuhonan, ta pa Simson por crea fondo pa por duna un par di exposicion den exterior.

Pa mas informacion por tuma contact cu Waldy Simson via 5857472, 5626581, www.waldysimson.com y via facebook. □